

桂留山房詩集

桂畱山房詩集卷三

寶山沈學淵夢塘

宋徽宗畫鷹歌

天津橋柱鵲聲秋趙家天子眞無愁江南花石貼黃紙
圖書彝鼎窮雕搜九霄歷劫盛材藝好與畫院爭源流
就中畫鷹特神駿秋霜霍霍初離韝懷中鷄子怖欲死
紇千山雀哀啁啾政和初元崇甯末不飛不鳴笑阿骨
混同江上晏頭魚起舞何人效回鶻使臣但索海東青
飛將誰知黏沒喝是時汴州極樂土公相文章媼相武
北來車騎已窺邊南國君臣方博古擘箋徧乞小黃門

御押親題頒內府此幅流傳七百年依稀曾載宣和譜
色絲黯澹墨未枯生氣稜稜撲毛羽古來畫手誠絕倫
零綃賸絹皆堪珍况茲揮灑重宸翰如何過眼成煙雲
壽山艮嶽一炬焚紫筠花木摧爲薪太清祕閣十萬軸
橐駝稠載填沙塵青氈上馬慟哭去夜烏嘯徹延秋門
邊城八月無青草勅勒聲中霜角曉黃沙蒼莽阜雕盤
一幅秋原好畫橐呼鷹臺上雛鷹飢鳳皇山下狐兔肥
腸斷聲聲柰何帝不如烏鵲向南飛

阻風平望

鴛鴦湖邊挂帆去落日半竿忽飛渡鴛鴦湖畔櫂船歸

北風蕭蕭吹客衣，殘冬作客客衣薄。日暮看風風色惡，
孤舟忽作萬斛牽。巨組危如一縷弱，外湖四面浪拍空。
裏湖水駛當要衝，挽船急尋水市泊。暫得安土忘途窮，
篙工酣臥鼾聲大。如此風波慣能耐，客人火急數歸期。
辦香敬爲風神拜，風神喧豗如不聞。三朝三暮仍畱君，
米鹽將罄但食粥。坐看西北飄浮雲，客衣雖薄尚可典。
寒不能勝飢，且免白酒三升不直錢。轉說今宵風力淺，
醉狂更比風神狂。風欲阻人人不降，明日北風倘如舊。
回舟南去翩翱翔。

錄別四首

勸君杯酒累君愁無計安排作暫留苦憶春風吹紫塞
依然明月照紅樓錦囊香漬裝行篋玉手寒侵補敝裘
可笑毛錐三寸管痴人也比覓封侯

唱到陽關第四聲東風吹上布帆輕壺中淚點紅冰結
江上離魂碧草生聽鏡幾時諧好語寄書先要問郵程
分明今日衝寒去九九梅花畫未成

短長亭子柳穆穆樹尙多情我不堪風送浮雲橫冀北
心隨春色落江南紅牆銀漢談何易綠綺瑤琴譜未諧
描出眉尖多少怨水精簾外月初三

寒潮帶雪落漁江酒力愁心雨未降不見浣紗歸越國

但將織絹翦羅江春裘秋扇都難棄燕語鶯嗁各自雙
知否玉釵消息遠燈花如霞墮蘭缸

許關舟次遲黃秋平孝廉瑣不至同金芝生同年

風藻

作

倚櫂東風請暫畱空江春漲碧於油鐘聲隱隱前山寺
燈火淡淡隔岸樓三宿夢魂仍故土十旬風雨慣扁舟
長年又促抽帆去雨點萍花不自由

至揚州日秋平已先在李喬生郡博保泰署齋喜

而有作兼呈喬生先生

遲君及三日君已渡江來人似賓鴻至兵難間道猜鄭

虔開絕業衛玠擅清才

秋平爲齋生
先生女壻

千里結言在春寒

戀酒杯

揚州寄家書

出門十日又停橈
明月初圓廿四橋
淚灑江頭寄雙鯉
春風吹上廣陵潮

高郵

陂塘三十六彌望
盡蕭然地偏城爲岸
江空水作天魚
龍爭窟宅雲霧壓
人煙聞說新隄埽
今年又變遷

下邳道中同秋平芝生作

宿霧連朝已放晴
春風索索送長征
排雲山色蘭陵樹

隔水檣尖下相城圯上有書王佐祕墓前無謁霸才輕
如何河朔橫行地猶剩江南百里程

曉發高吳橋薄暮始至汶上

風顛籠鑿路欲迷桑顛纔唱五更雞暗塵如雨飛人面
亂石兼沙擁馬蹏山郭參差官柳短店門寥落夕陽低
駒聲乍醒雙鞭手又買燒春醉似泥

自東平至東阿

側輪車子響班班轉過荒城第幾彎沙背亂流前夜雨
馬頭晴雪別州山泥濘一尺愁軒簸路偏三叉各往還
怕是惱人春有色銀篋生澀掩雙鬟

山行

四顧不見山身在羣山中土脈漸墳起不成岡與峯土
骨化爲石石脆土亦鬆歲久土作窟形與溝渠同讓出
半壁石若堂若防封石亦有時泐崩墜聲隆隆小石拋
如毬大石覆如甌車輪偶激之一躍一丈脩山迴路偪
仄石爲土贅疣忽驚宋郊隕俄駭齊帥投蹢跚惜馬力
拾棄非人謀前車躓于山後車躓于垤九坂鑿五丁百
年若一轍問石石不言碾之使成屑笑看古今人多少
輪蹶鐵

西楚霸王墓

烏騅帳外蕭蕭鳴美人帳內歌吞聲魯公頭顱太草草
愁雲低壓陽穀城衣錦何曾故鄉覩面目還應愧亞父
大風怒撼歌風臺殘魂亦戀江東土一尊敬酌荒郊碑
憤王憤王且莫悲君不見呂姥千年骨未朽不如春草
葬虞姬

白溝河二首

楚漢分鴻溝楚軍不西顧宋遼分白溝宋兵不北渡且
交糞壤歡暫免金繒賂勢已積弱成事實貽謀誤差幸
寇平仲一擲勝孤注斷無郭藥師一鎮果內附汴河水
方淺白溝水方深當日六州鐵他年一寸金

匹馬白溝河一躍惜已縱鐵板濟南城一擊惜未中人
心博浪椎天意滄沱凍棗花到處開細柳無人種闕內
多儒臣闕外無將軍慷慨瞿都督頽唐耿炳文通天好
犀帶更付李九江勿須守祠哭且去開門降

南西門看杏花二首

今年春色到天涯翠幔香車撲面沙可憶江南驢子背
漫天風雪看梅花

錦字泥緘寄遠思怪來北地買胭脂
軟紅塵裏花如海
鬧過豐臺芍藥時

茉莉花

洗盡鉛華品格幽晚妝別樣鬪風流畫闌人倚月初上
水閣香多風欲秋小摘愛穿珠絡索半開先傍玉搔頭
隔宵細挹花間露手點新椽貯碧甌

移寓三首

穉米投太倉沈螺出滄海滾滾六街芴畱此一椽在襍
被竄東廂軒楹競爽塏彈鋏不成聲聊以免凍餒輕車
殷夕雷野馬絢鼃采所惜緇塵多素絲容易改同此尺
五天愧無尺八腿

去去覓市塵且與傭保伍店門溷庖福廣廈占商賈來
如睇乃巢出則扃其戶紙敗窗鳴風葦斷牆侵雨剝牀

生螢蟲照壁見蠍虎旅懷善自珍逝將適樂土

樂土不可求郭門尋野寺老僧揖客勤羅羅替位寘庭
院頗寬閒寮房亦幽邃藤陰覆檐濃草色經雨翠飯後
無鐘聲門前少題字謹謝鬧春人來此銷夏地賃廡價
尤廉餘錢付酒肆

車遙遙

車遙遙虛溝橋青驄油碧誰相邀燕涎涎良鄉店朔雪
南花又相見換卻豐貂一抹雲吳綾細摺藕花褰靡蕪
綠徧三千里一路春愁轉畫輪

過涿州

第一繁難四達衢長橋歷祿困轅駒涿州風雨蚩尤霧
燕國山川督亢圖苦爲西行尋七首至今北望埽懸弧
潏潏獨有桑乾水送盡金臺舊酒徒

趙北口二首

鄉心客思兩模糊記得江南此景無絕好水田衣樣子
一層隄隔一層湖

漁船搖舫不聞歌向晚人家曬綠蓑笑問怱怱停轡客
可曾人比鱖魚多

中山店早行

客路習勞慣僕夫戒夙興山空星隕石沙靜月生冰羸

馬遲孤夢荒村漏一盞金釵應罷卜曉色上窗棂

覆車行戲贈芝生

覆舟之下無伯夷奔車之上無仲尼無端折卻故車腳
偏其反而惡劇作我昨叱馭泰山旁崎嶇偏仄心徬徨
今朝喜出鍾吾驛細碾平沙行得得豈知夷險難逆料
前車疾呼車陷淖後車倉卒鬪風來右輪僵立左輪跳
徒引切當其欲覆未覆時青天圓笠一半欹駕轅老馬頗
倔強欲以獨力相撐持兩驂癡立不牽曳絕叫一聲車
在地君墜其左我右乘布幔蘆篷四面蔽傾囊倒篋五
百斤以背受之無可替夢天壓已夢有因伏已盪腦君

何人排牆未殺王夷甫騎馬須愁賀季真掀篷躍出天
地變郎當郎當鈴鐸喚君夷左股我右肱童僕都成盧
杞面店門失笑酒家胡跛蹙偃僕今又見嗚呼翻雲覆
雨何時無世間本少康莊逸賀君一卮請君聽幸非一
跌不復振

王家營

數徧郵籤十八程今朝纔許濯冠纓卸裝喜似還家客
落第猶叨下水名車市駟牙應冷齒舟人鄉語便關情
渡河喚買淮南酒青筠船低臥宿醒

露筋祠

百里清淮夕照西秦郵野樹碧萋萋黃昏寂寞三間廟
白水空濛一綫隄大道有人脩表啜小姑獨宿近青谿
荷花塘口花無語盥手清芬拜玉笄

黃歌渡別芝生

一翦風颿送夕曛大黃肚浦看停雲暫來江上猶爲客
直到門前始別君此後名山誰絕業不愁人悔少同羣
行囊未惜貂裘敝換得羊家白練褰

偕桃船芭厓遊漪園遂尋檀園遺址

園亭枕谿水門徑白雲封數點豆花雨一聲蕭寺鐘夕
陽明野色疏柳寫秋容惆悵泡庵影難尋翰墨蹤

長蘆先生

晚號
泡庵

黃耳冢

江左家聲將相後，勳名奕世傳。狗可憐，人洛少年才。
野麋山鹿均非耦，名譽新從日下聞。鄉關已隔雲間久，
當時駿犬不辭勞。千里願爲牛馬走，平生豢養報恩深。
欲蓋荒涼名不朽，獨有東吳羈旅臣。瓠盧縛頸笑何人，
他年想到華亭鶴。千古傷心上蔡門。

嚴家兵詩

明嘉靖間倭患吾邑，首當其衝，官軍戰輒不利。時有嚴氏兄弟曰大顯、大年、大成、大俸、大邦者。

邑黃姚里人也皆驕捷善戰能捍衛鄉里郡司馬任環忠憤誓滅賊得五人大喜五人亦誓以死報先後立奇功最多授以官輒謝去曰非我等志也既任司馬去官常熟令黃某者素嗾五人且忌其功誣以勇悍不法以次羅織皆孥戮以死先是嚴翁無子禱於島中神既而連舉四子遂以神名名之長草生次野生次夏次穆最後舉大邦乃命之曰小乙邑父老云五人者島中神降生也

滄波撼地羣山壓樽桑日射黃金甲
獐神夜遣五丁來

吉弔成龍怒穿脅海鄉一夜風鶴驚卑彌呼女能弄兵
雕青惡少健身手烽煙直照吳淞城爰居飛來鼠奔竄
荒荒百里無春耕兀狀嫚罵公等怯棄我邑里將安行
義旗一麾天地變叱咤如雷目如電髑髏墮地埽黃巾
刀劔橫空飛白練一家團練出奇兵今日方能背城戰
其時典兵有任公開門長揖論軍功腹心願作臂指使
張我表海泱泱風從此枕戈身許國草莽三歲仍伏戎
鱷魚掉尾齊告警兩軍始遇青邨東戎馬旋淖車陷淖
慶鄭大號公絕叫夏生倉卒負公行敵騎如風追不到
惡谿前阻十丈強一躍雙驍玉女笑頻年轉戰川沙橋

青天半壁虹闌高駿馬蹀躞折其足穆生怒作魚龍跳
左手挾人右挾馬清風兩腋凌雲霄草生野生亦沈鷲
拔戟一隊當前茅小乙年少尤健絕往往赤手禽渠梟
骨肉禦侮首尾應長子弟子皆人豪歸來釋甲氣磅礴
莫憑汗血分珪爵但須灑海靖烽煙弟兄儘有田園樂
軍中司馬返故林布衣從此無知音白日慘澹塵蔽野
銀鑰索索都成禽河山百戰事如昨相背愁殺韓淮陰
不死鋒鏑死羅織吏胥側目大理瘖嗚呼天生將材頗
不易節鉞未膺閭外寄鄉閭保障亦奇功綽楔先應表
忠義豈知填海本冤禽銜盡人間不平事君不見王江

涇頭張尚書凱歌聲裏徵囚車又不見滸墅關前曹巡
撫捷音一奏丞相怒上聲何況吾儕是小人區區戰功何
足數舉頭天外悟前生插腳人寰無樂土至今海國餘
荒祠英風蕭颯吹靈旗潮聲夜打空城腳一片銀濤白
馬馳

正月二日陸萊臧同年 我嵩 過訪春雨莊和見贈

韻

一夕春潮淺渚通款門索笑兩心同椒盤分我家人樂
梅隴須君國士風少日文章誰倚馬早春蹤蹟話歸鴻
江邨大有離羣感不隔淞南便泖東

石榴柑二首

花下紅裙最可憐
綠陰結子近秋天
丹靨映入重重玉
化作明珠不冝圓

破暑花殘秋已淡
新香濺手摘霜林
此生羞比淮南樹
忍爲移根易素心

快雨行

正月不雨至于夏六月
雖有小雨不能涌洶
淳焦土碾作萬斛塵
入夜明星大如孛
相煎釜底然豆其枕簟如
薰鑠肌骨斷屠禁
沽徒紛紜癡符妄想
奏天闕昨宵渴龍
肝睡醒西南一角
陣雲突敕令風伯
爲先驅玉女雙

驍怪糖揆颺迴電掣天地搖撼壁有聲泥窸窣夸父逐
日雨及之狹路相逢避倉卒千條瀑布萬瓦溝倒挽銀
河瀉溟渤喜雨閔雨同此情萬頃禾縣興焉勃須臾雨
止晴亦佳夕陽三竿片雲沒清風習習生竹梢殘點丁
丁滴林樾老農唱歌我作詩酷吏一去免爲喝

吳宮曲

館娃宮裏春遲遲脩眉星的綽約姿綺疏斜對曉妝鏡
濛濛薄霧珠簾垂妝成一笑君王顧畫廊曲折聞纖步
衣香吹散六銖輕越紵吳紉不知數采香徑畔草先春
路指胥臺駐畫輪臺上可憐歌舞夜豈知臺下臥薪人

秋風昨夜梧桐葉東門眼見兵車入亡吳霸越兩鴟夷
美人斜抱琵琶泣重向春風憶苧蘿故宮花草問如何
君聽暮雨瀟瀟曲猶是當年白紵歌

寄陳謙甫

宗壽

閩中二首

難得知音一曲琴天涯回首感苔岑酒痕鐙影春明夢
白露蒼葭秋水心始信貂裘慚十上誰從駿骨問千金
奇才抑塞猶如此况有相思海樣深

同是風塵冷紵衣黃河羌笛送君歸

自淮上作別

諸公袞袞

魚龍變客路恩恩燕雁飛淮浦潮聲衝暮雨幔亭山色
隔斜暉不知遲我三年約舊日垂楊長幾圍

題玉湖消夏圖二首

橫波塔影夕陽紅
水氣清宜四面風
撥櫂欲歸須緩緩
晚涼都在藕花中

鸚脰輕帆續舊遊
訪君詩侶共扁舟
一聲鐵笛月初上
涼人蕉衫風欲秋

弈

撞罷飯後鐘
側坐松間席
鼈足四維張
蝸牛兩角窄
勾股算星辰
開方廣阡陌
常山首尾攻
巨靈指掌擘
覃思江海深
歷劫仙凡隔
羊牢悔已遲
雞肋棄何惜
或慕晉人車
許觀鉅鹿壁
廢時易爛柯
忘情仍折屐
學之猶足

賢耽之乃成癖不辨孰主賓相期永朝夕擔糞林逋嘲
牧豬陶侃責煉成木野狐蛻出橘中客誰歟喪手人亦
曾知黑白

張丈夢餘

立松

歸自粵東過家大人話舊賦贈二

首

橫梁詩篇絕世無酒腸劔膽儘豪羅人間何處藏張儉
座上公然罵灌夫踏徧九州成歇腳飽看五嶽寫真圖
畫師老去谿山舊粉壁重揩墨未枯

閩嶠湘山匹馬登又從粵海轉行滕名公開府爭延客
好友題書半是僧頗有知音彈綠綺更無奇氣讓青藤

歸來舊夢君休記且醉西窗此夜燈

三十六體詩四首

絳闕銀潢水一涯仙風吹向碧城賒
元霜夜色誰偷藥
白露秋期又及瓜往日空梁巢海燕
趁時寶髻學靈蛇
尋常不信羊權宅昨夜親來萼綠華

不見飛花逐斷蓬但隨澗水歛雙虹
錦韉低障青駿馬
翠被寒忝黃篋篷秦苑簫聲吹引鳳
魚山梵唱悔驚鴻
嬋媿福地人間有莫悵桃源路易窮

藥鑪香染貝多經但咒楊花莫作萍
脩月斧痕團碎碧
補天石色化空青且將錦字烹魚腹
曾記瑤弓射雀翎

豆子山前撒白雨，綿州按曲不堪聽。

繡出鴛鴦栩栩生，鍼神花樣倩誰評。
扇題越紵愁班女，曲和湘絃怨屈平。
塞雁尙遲河北信，荒雞長向汝南鳴。
酒鑪醉臥渾閒事，妒煞佯狂阮步兵。

晚過青浦

碧漪淨無塵，推篷月在水。
鐘聲閣遠林，人煙沸夕市。
江凝野露白，城抹殘霞紫。
船載鷓鴣歸，竹竿扶不起。
漁飯隔谿煙，香在蒲菰裏。
出門恆寡歡，初程及百里。
緬維葭露人不識，襍穢子何如。
澗泝間泛宅，從茲始。

暮雨過毘陵

溼雲擁嶺鬱難開暮色瀟瀟畫角哀
颿帶雨聲衝水去
鏡隨人影渡江來
嫩寒漸覺行囊薄
小泊先愁驛吏催
香到蘭陵新釀熟
客懷且付掌中杯

和漁洋山人三國志樂府二十四首

小平津

侯非侯王非王
千乘萬騎走北芒
北芒山頭秋露溼
白薤黃蒿新鬼泣
北芒山外小平津
流螢一路飛青燐
兩韃雙帶前刺史
快馬夜馳三百里
阿兄十四第九齡
都是長安故天子

卿曹拜

卿曹拜卿曹拜黃金願把卿曹賣伯郎伎倆監奴態蒲
桃一斛春酒香涼州衣錦歸故鄉卿曹一拜直百萬卿
曹再拜千萬強君不見蝦蟇天祿壓星緯天子不如阿
父貴幾人長揖大將軍都作望塵石衛尉

殺田豐

櫓樓摧碎霹靂車韜糧一炬飛紅沙田豐在此不至是
曾中了了分瑜瑕惡其言多諷曹於是乎殺孔融喜其
言多中袁於是乎殺田豐遼東冰雪重關閉萬里頭願
誰雪涕中山嬌女死不憂五官中郎作快壻

殺戀歌

祝劔祝劔非魚非肉一羣殺癩童無角有角無非戰蠻
觸胖羊尚有首五殺將無皮皮之不存毛焉傳牛廬草
葍甘如飴食卿不食語不應殺癩一歌請君聽

龐娥親

曹娥殺身爲父孝龐娥殺人爲父報幃車裏劔都亭中
青天盪盪劔血紅伯摧仲折季亦死趙家從此無男子
趙家有女龐娥親龐娥親惟女子耳盛門之男衰門女
生女勿悲男勿喜君不見古來女俠聶政姊慟哭一聲
淡井里又不見押衙穉女聶隱孃殺人無血如割羊

赦雍齒

與張良謀雍齒宜侯爲袁紹謝雍齒宜赦智莫智於子
房詐莫詐於魏王大兒孔文舉小兒楊德祖及爾禰衡
同一死此之謂戮韓彭烏在其爲赦雍齒

丹陽婦

奪仇手葬夫首靚妝祭罷甘言誘刃仇人告夫墳縷經
祭罷哀三軍三軍齊唱杞梁操寡女哀絲不成調丹陽
護士徒紛紛請將巾幗遺諸君諸君安足奇烈女爾不
負前有龐娥親後有孫翊嬪

卿慙長

關西之楊潁川苟誰其匹者許昌陳黨人籍中比郭泰

難兄隊裏先王珉兩朝四世盛宏獎兩世三公亦忠
柰之何其公慙卿而卿慙長漢季多忠臣魏國無完人
賈家漸卜充閭喜一蟹不如一蟹矣

寄當歸

寄我以文無之當歸不如贈我以芍藥之將離問我以
小草遠志之相似不如迫我以王不畱行之驅使饋食
苟文若空器使人弔寄書太史慈空函令人笑兜鍪手
戟角兩雄青州名士來江東神亭戰罷親解縛丈夫意
氣重然諾蜀鵠唳然不如歸一紙家書姜伯約

借荊州

借書一癡還書一癡借頭欲雪怨借妾能生兒乞鄰而
與孰謂直久假不歸惡知非若夫荊州之借非此類天
意或者啟劉備江山半壁東風焦玉帳懸刀筓歸妹匪
寇婚媾勦力同大義卓卓惟魯公竟令豎子敗乃事前
有呂範後呂蒙吁嗟乎龜謹可歸許田可假豈有荊州
不可以借荊州借魏氏怕荊州還魏氏安

孫仲謀

三垂岡前拜三矢生子當如李亞子濡須塢口飛輕舟
生子當如孫仲謀猗兒難爭鋒破虜好奇節江東雖小
亦足王况有父兄傳遺烈柰何孫仲謀表爲驃騎將軍

假節領荊州牧封南昌侯乃知孫仲謀無異劉荊州生
子當如李亞子孫仲謀亦豚犬耳

二喬曲

皖公山色低鬟青一家顏色雙娉婷東方夫婿各年少
碧幢十里迎雲駢周郎微笑孫郎語如我二人得二女
千秋佳話兩君臣叔隗與衰季自取春深銅雀枉相思
三步荒墳宿草悲一卷蛾眉金牘記感恩獨有蔡文姬
赤壁戰

水師橫截千艨艟何以禦之惟火攻綸巾羽扇坐談笑
浪花卷出長江紅赤壁之燒燒其銳吳用之以破魏夷

陵之燒燒其慙吳用之以敗蜀鐵鎖之燒燒其愚晉用
之以滅吳關西大漢歌烏烏大江東去銅絃麤

濡須會

卿來前平虜將軍驚四筵卿且坐諸君高會請袒裸十
有二處刀箭傷一一撫之涕沾裳剗我心頭肉醫君眼
前瘡青繖張蓋濡須口勸君更盡一杯酒臣泰拜手重
稽首拜手稽首前致詞臣死且不避卮酒安足辭

半英雄

拔十失五猶得半冗官下考耒陽縣天下英雄惟使君
治中從事征西軍鳳兮鳳兮時不利雒城一刳英雄涕

況復蕭條五丈原
炎井無光星隕地
樹上樹下語不傳
南州行狀徵先賢
品題合讓傅公悌
作記須尋王仲宣

滿伯甯

咄咄滿伯甯
風骨何嶙峋
前捕張督郵
後戮曹洪賓
奈何考掠遂及楊太尉
五色之棒誰不畏
幸哉太尉無他辭
但作階下囚
任汝鞭與笞
不然不勝撈掠
自誣服伯甯之罪
何可贖
嗚呼董宣強項稱直臣
酷吏傳中第一人

趙子龍

沔陽旗鼓出雲棧
子龍一身都是膽
子龍何止滕灌徒

有膽方作大丈夫桑田園地賜諸將豈有去病忘匈奴
君臣難得舊相識謂予不信搥手戟君不見桂陽之守
辭國色又不見東征之諫辨國賊知有趙子龍何須法
孝直

捋虎鬚

紫髯碧瞳狀如虎虎性能馴縹眉嫵臣當遠去臣請前
願假虎威破窮虜大王之髯髯絕倫願得一捋王莫瞋
臣願入虎穴取虎子今日之行從此始臣將搃虎吭捋
虎鬚今日之事真軒渠

華子魚

龍尾管幼安幼安誰古天民龍腹那根矩根矩誰古完
人龍頭華子魚子魚誰古賊臣三人成龍太不類佛頭
著糞千秋累登壇相禮進博平無復人間羞恥事可憐
華子魚今日乘軒車老死能脩勸進表故人早寄絕交
書

費文偉

圍碁謝安石破賊先處分圍碁費文偉辦賊聊試君古
來兵法兩碁局斂手推枰莫催促安石誠有餘文偉惜
未足無端全局輸與人一劫未曾防郭循

兩酒人

兵不可一日而不備酒不可一飲而不醉紛紛三國張
三軍南北乃有兩酒人步兵之廚爲酒官頗異彭澤令
之種秫恨不移汝陽王之酒泉陶家之側真酒仙差勝
劉伯倫之荷鍤恨不逢畢吏部之酒船南北兩酒人酒
兵惜未戰願奉斛米爲君作合傳

大討曹

當塗高大討曹典午月酉歌且謠七馬識五字三馬同
一槽以牛易馬馬不驕一馬化龍馬始逃噫嘻吁咄哉
前之當塗高後之大討曹後之大討曹前之卯金刀

青頭雞

爲雞口爲牛後三注三止掣其肘事未可知莫須有微
粟能構怨食粟能生疑優人連唱青頭雞青頭一歌散
衷甲手挽竹弓休打鴨雲午第一晉功臣伶官傳中敬
而狎苟偃忠目出子元患目癩目無君者有此病黃紬
被碎聲啾啾

綿竹戰

鞠躬盡瘁死而已死而不已尙有子有子生子且有孫
綿竹一戰酬君恩不識瑯琊王但知漢都護艾艾爾何
人唾之不復顧陽都一門多雋才蜀龍吳虎皆其魁自
有諸葛瞻始歎諸葛恪蘆葦單衣篋鉤落於何相求成

子閣

杜田山房詩集卷三終

桂畱山房詩集卷四

寶山沈學淵夢塘

上元前一日芝生萊臧過春雨莊評爲癡正之行
余以佗阻不果別後卻寄

去年正月梅花早纔過元辰風日好陸郎訪我水邊邨
剝啄聲聲春未曉今年正月梅花遲試鐙風前見一枝
金侯借來夏清絕故人各與梅花期烹椽喚掃山莊雪
攙入清言沁肌骨座上恰懸三友圖亭角先窺一尺月
傲居有一月不禁執金吾雪不識黨太尉不願操豚臠
尺月亭勿作爛羊胃甯可蒸葫蘆但未下鹽豉紅圈綠暈任招

邀白酒黃雞此風味傾倒摠情話
裊裊戀芳辰春鳥亦朋友秋鴻無
主賓咫尺不違數十里野航時
趁雨三人忽欣遊興如春草江
北縣縣思遠道吾黨仍拌挈伴
行出門終覺交遊少管幼安之
木榻三人成龍蘇玉局之洞簫
二客能從如此清遊天亦妒與
齒去角不全付七發終憐僕未
能一颿漫唱公無渡梅花笑我
我不問君來招我我送君我不
必學宗少文君不必是杜司勳
載將鄧尉香干斛

二君先將探梅鄧尉

去賞揚州月二分

雨中紀別二首

春醪一呷最無情
忍淚低聲唱渭城
風雨不堪催別思

舟人又報暮潮生

春夢如雲歷亂生春寒如夢不分明
燈前灑徧離人淚
添入空階作雨聲

將赴廣陵述懷

的的輕艫艤客棹一聲風笛便天涯
勞薪慣辦晨炊飯
斷榷相逢陌路花楊柳春堆瓜步岸
棠梨香妥玉鉤斜
出門又是愁時節忍與佗鄉玩物華

過康山草堂次顧商塘同年

翰韻

故宅荒涼太白祠客囊猶辦買山貲
聲華易散風前籟
手澤如珍雨後瓊獵罷中山休作傳
醉來樗杜許談詩

詞人一例棲遲處客館風流異昔時

同鍾吾山

大進

張曼仙

崇烈

蔣越生

懋

金芝生願

蘭塘陸萊臧林雨亭

文澤

秋雨庵看牡丹白藤花

春禽破晨夢催起看花客竹兜訪城南苔徑轉幽僻入
門吹妙香踞坐花間席不信瞿曇房絢爛成梓澤石闌
亞殷紅瑤砌暈淡碧量采渲臙脂星旛遮姪媿餘卉各
掩羞榮衰不足惜崛起枯藤根瘦比山僧脊間架強支
吾老蔓綴叢白樹杪生微颺雪花墮巾幘爭奇互濃澹
獻媚狀肥瘠沒骨與寫生畫師不一格清言愜幽賞選
勝永晨夕禪牀靜撫琴石磴初罷奔晚來風雨催歸去

借僧屐

菜花魚和程佩蘭

居易韻

滿地泥金作雪飄江鄉風味任招邀賣蝦市早初號鳥
種蛤田低欲上潮荻筍河豚浮短艇鱸魚菘菜夢長橋
如何一夜黃花漲便許零星帶尾燒

題潘朗齋夫子

銘

伎堂品劔圖

兩行樺燭紅薰天赭羅颯沓圍芳筵玉缸灑灑半沈醉
拂衣起舞春風前瑤瑁屏風隔雲鬢金犀鐔首凝霜刃
一條秋水眼波明三尺燕支唾花暈檀槽細撥霏梁塵
天邊蒼鶻鶯爲鄰錦函玉袴東西座窄裒蠻鞞甲乙人

苦爲青萍覓知己不問鬚眉問羅綺俠骨飄零聶隱娘
舞腰跌蕩公孫氏繡澀苔痕蝕赤泥寶鞍齊向白銅鞮
亭蘿人遠延津涸一種沈埋感品題

題朗齋夫子雪厓入定圖

環雲壓天大地白凜風撲面寒無色蒲團如鐵紙襖香
瘦頸頭陀枕山脊十年豪飲稱醉髡酣歌擊碎訶陵尊
空瓢不寄故人手秋山臥病青雲根黑潭乖龍碧石虎
鋸齒腥涎久跋扈椽衣兀兀只如常一蓮一鉢皆安撫
老麋昨夜聲呦呦玉宮變幻紅塵收峭崖萬仞削餘骨
四山猿鶴非吾儔閉門枯坐息羣響映入紅襟雙合掌

菩提明鏡妙空空不爲傳鐙呼小朗雪晴忽展尊眉棱
手中擲去胡孫藤暫借宰官來說法頭銜一寸玉壺冰

題東岡官梅圖二首

擘箋東閣最清華舊句分明壁上紗今日春風重到處
寒梅猶作昔年花

騎省風流同水部一篇循吏五言詩河陽縣裏花千樹
都要官梅作主持

尺五樓看竝頭芍藥同鍾吾山華惇園景孝兩孝

廉金芝生顧蘭塘陸萊臧諸同年顧竹畸蕙生上

舍作時萊臧方就婚揚州二首

邢尹翩然絕世姿相逢韋杜餞春時最憐窺影如相諠
但結同心未可離寶帶雙圍金絡索洞簫竝坐玉參差
不須畫筆矜眉嫵枕畔香多壓鬢絲

斜窺淺立背東風竝蒂丰姿綽約中婪尾杯濃春共醉
比肩人倦夢相同玉釵簾底團淡碧粉鏡樓頭倚淺紅
昨夜虹橋二分月一雙香影照朦朧

春江花月夜郎蘇門孝廉

葆辰

席上作

有花無月夜不圓有月無花春不妍渡江三月春如海
春夜長留花月在荳蔻梢頭月未濃櫻桃樹底花先采
璧月夜夜滿瓊樹朝朝新可憐陳後主斷送江南春花

庭麗影斜蘭牖輕風度倘語劉令嫺盼煞江頭路春宵
直抵千金價月照無邊花不夜不知石醋有誰憐不信
嫦娥猶未嫁惜花愛月春風寒鏡花水月春心酸卻倩
江花照江月夜淡春淺紅闌干對月思奔月看花憶種
花花下無雙驚蛺蝶月中第一癩蝦蟆一絲月帶千條
柳一種花澆百杯酒夜來小字有誰知江月不離花左
右蠟炬迷煙燭淚銷海棠欲睡春風嬌解圍客慣催腰
鼓竝坐人應謚洞簫天上春水船風外羅裙帶參差不
是霧中看嬌小先宜簾下拜花真解語月入懷月如無
恨花長開有花有月夜易盡無花無月春何來春來春

去無蹤蹟花落花開感離別但隨明月逐江心三五盈
盈三五闕月闕花殘有了時尋春又作送春詩分明一
夜春江夢訴與分司杜牧之

訪隋故宮

淮水鐘聲不可聽迷仙樓閣易凋零垂楊一帶蕪城樹
茂草千堆廢苑螢祇恨砑箋酬璧月不須杯酒飲長星
汴隄西望家何在十載江都夢未醒

爲蔣越生秀才題蘭雪小影二首

江北江南一種春青楊門巷認前身酒邊忍把離騷讀
香草分明說美人

春風碧玉護雕闌猶怕名花容易殘如此幽蘭如此雪
一枝傾頷可勝寒

題周鐵瓢

農

桃葉渡江圖

桃葉綠成陰桃花紅作雨桃葉復桃根手種藏春隴花
隴帶春愁花枝照渡頭門臨瓜蔓水人在木蘭舟秦淮
潮信漲一水盈盈望小語問歸期桃花開陌上花落委
青莎浮萍皺綠波酒邊飛絮曲花外采蓮歌蓮子花開
落新涼生綺閣日暮望長江白浪西風惡轉憶別歡時
丁甯慰所思薛蘿回首綠雙漿送迎遲赤欄橋畔路屨
響聞纖步流水有情聲九曲清谿渡渡口畫樓低珠簾

夾道迷莫愁湖畔月梁燕照雙棲

月夜偕華惇園顧峯如

箴

商塘竹崎城北散步小

憩慧因寺

晚晴墮地煙冥冥歸船潑刺隔水聽低頭忽覺月在水
林巒四面皆空靈舍舟石矸陟峭岸古刹半枕江皋亭
城闕鐘聲再三吼僧僚晚課方溫經松枝夾路妙繪影
冷如蒼藻浮虛庭浴谿一白訝霽雪隔牆惟見藤蘿青
秋風催涼絡繹語豆花綴紫如小鈴誰人錐地作碁局
方罨射出修篁屏欲呼橘叟謀坐隱凡骨儼御風泠泠
青天明月不用買微求空費十斛螢平山銚舫談不起

虹橋人散簫聲停
嚴城鼓柝響漸促
歸來方及魚鑰扃
守門老兵怡不怒
索錢沽酒猶未醒

家敘軒觀察

惇懃

見贈畫竹卽題其上

寫竹如破竹須從下手看
倒懸綠么鳳許贈青琅玕
筆帚幾時禿畫叉來日難
醉餘狂潑墨先取芭蕉彈

張循蘭秀才

九芝

自江西將歸吳興晤於邗江官

舍瀕行以脩到梅花圖索題繫之長句兼以贈行
昨君夢到羅浮邨身騎蛟蜺如車輪高飛幻入眾香國
冰天雪窖招吟魂萬里罡風吹忽墮蕭蕭紙帳寒無那
門外梅花三百株指向此中還索我巡檐一笑証夙因

平生鐵骨爭嶙峋如何拋卻故園去
打包插腳追風塵
十年翻作豫章客
江城玉筵吹殘白窗前
手植訊春風
迢迢寄盡江南驛
覺來欲訪孤山巔
山中眷屬盟前緣
詩龕枯坐小厯劫
朗朗古月當中天
送君歸來苔雪路
結廬移向花間住
空山縹緲悟前身
片觚我亦渡江去
返權揚州抵家未及十日復有事
吳門畱滯連旬
歲聿云暮
篷窗無聊賦此遣悶

北風吹船頭被稠如潑水
偃臥青篛篷蟄蟲俯欲死
蟲俯不足憐
蠶縛絲纏縣折柳復何處
看花未隔年
看花催看雪
天戲人離別
江北望江南
猶憶花時節
繫纜金

閩門蕭條日易昏江南望江北點點雪泥痕雪泥印淡
淺十日如蓬轉慣聽廣陵濤恨少吳淞翦九曲轉轡腸
孤舟此夜長羨人有黔突歸去祀黃羊

舟行連日大雪

迢迢水驛帶江城千里吳雲鬱未晴斷岸壓沙爭峭折
遠山排樹盡分明打窗風碎霏殘屑擁被寒多戀宿醒
應憶撒鹽聯詠日故園兄弟倍關情

陽湖官舍喜晤湯蓮儂同年

斷業

蘭陵酒熟早春時官閣梅花見一枝盾鼻淋漓磨宿墨
劔頭倉卒辦晨炊紅箋姓氏長千里白舫笙歌短簿祠

細數江南腸斷處石尤風裏峭颿遲

前歲蓮儂自白下返懼吳門余偕芝

生萊臧適晤於山塘酒舫今官齋小聚人數正同故追憶及之

偕芝生萊臧登北固山和萊臧作

牖版橫沙滯客橈且攜筇屐破無聊大江東去流千古
名士南來送六朝殘雪未銷瓜步樹寒風直上海門潮
銅琶急拍聲聲和鐵瓮城頭起夜刁

曼仙吾山越生萊臧同集得月樓四首

綠楊城郭枇杷門一領征衫舊酒痕何處樓臺先得月
小秦淮上易黃昏

秋風吹散渡江雲夢斷雙飛蛺蝶裙今日相逢猶未嫁

也應顛顛杜司勳

中酒懷人未了時
早春十日雨如絲
分明一段傷離話
替唱黃河遠上詞

怱怱時節過
傳柑鏡影衣香夢未酣
侂日行人定回首
青山一髮是淮南

大風晚泊平河橋

淮壖無堅隄
潰裂不可障
水來風撓之一激
飛過顛外
湖仰若孟奔
注強一丈牖門競收束
阻隘益悍獷
篙師識畏途
鳴鈺卸帆檣
聯船艤荒涯
椽杙聚遙響
是時值下弦
月黑雲蒼莽
蘆屋沿隄根
殘燈漏三兩
忽聞斷絙

聲鄰舟各呼搶一闕列炬明檣楫互震蕩披衣夜不眠
冲冲及昧爽事定我轉驚易地詎可想安枕雅談人不
如慕容皝

曉渡陶溝

遙程戒夙興黃雞叫夜半低昂輿浪中叱馭停古岸野
渡劃寒溝危橋石磴斷沿隄鐙炬明下阪馬蹶亂舟車
競後先童僕倚強幹但詫數錢工亦有積薪歎不如姑
徐徐鼾聲出車幔堅臥倏移時褰帷已及旦北風鑄寒
肌噤齟不可喚危坐谿沙濱股栗漸至腕下泉冽夏清
粼粼白石矸吁嗟朝涉人踏冰淡沒胼

兗州旅店題壁

一程殘雪一程風
草草征途夕照紅
鄉夢浮沈鴻爪外
春光拋擲馬蹏中
懷人二月無芳草
惜別三秋有斷蓬
獨上南樓初縱目
白雲淡處是江東

河間道中晚行覓宿

雙輪滾滾碾黃沙
手揭氈帷問酒家
拾矢村童爭擁馬
索錢老嫗輒當車
瓦盤堆餅裁荷葉
土竈烹椽焙麥芽
失笑大盆圓坐客
一時開口似神鴉

都門晤章虎伯秀才

寶蓮

喜贈

三絕清才筆未投
十年已敝黑貂裘
可憐累舉羅昭諫

不及平時馬少游畫舫吟殘牛渚月哀絃彈入雁門秋
亦知索米非長策待到人言我夏愁

哭胡東園同年

騏

兼悼令子燮齋

大銓

東園余同邑人挈眷屬寓居都門數十載令子
燮齋校書史館循例將得一官嘉慶癸酉九月
賊難驟起燮齋殉焉事定 卹子雲騎尉世職
時東園客山右甲戌春入都應禮部試行及雁
門復遭疾卒余與東園父子交最厚往歲入都
聚晤瀕行黯然灑淚如不勝情噫是豈卽永訣
之讖耶父以路死子以兵死天之厄人何慘且

酷如是製爲長句聊以告哀

前年落拓長安遊逢君斗酒時勾留舊宅滄桑供絮語
全家骨肉付窮愁白頭羅隱題名日世事鴻毛評得失
卻喜垂庭玉樹枝能操祕院珊瑚筆一片飛花送客行
相逢無柰別離輕每思朔雁傳秋信豈料城烏忽夜驚
許多斗大黃金印獨有書生能蹈刃國殤少婦哭城隅
厲鬼男兒橫野殪一紙家書血淚乾不聞附子膾團圓
山橫雁郡黃沙慘水繞滹沱白浪寒今年我又長安客
遲君日盼西來驛慘禍應知慰藉難苦思况復迢遙隔
蕭蕭襖被塞垣長萬里愁雲瘦日光豈意故人如昨日

又傳新鬼泣他鄉吁嗟乎文人薄命類如此烈士殉名
今復爾銜鬚握爪尙如生臙馥殘膏仍不死君不見
國家盛典首旌忠畱得遺孤患難中盼他世祿韋長孺
卽是傳經鄭小同

偕芝生蘭塘萊臧登陶然亭次蘭塘韻

世網撻不擇夢想江臯亭茲遊忽清絕能使蠢者靈透
迤折古岸蕭颯如寒汀敝車小於艇斷葦濤聲聽拳衣
試懸磴佛座松杉扃蟲棲石罅蘚鳥墮檐牙鈴日晶射
虛白山黛延空青尖風鳴敗紙暗塵飛疎櫺水竹比幽
趣草花發微馨我曹習曠放痛飲攜騷經况縱橫眺目

疑建高屋瓴天風吹鳴珂碎玉搖瓏玲
曉焉日下客簷若雲中翎非不慕冠蓋
豈敢忘林垌同心偕昕夕幸聚江湖萍
吳蜀萬里別回首差霜星蒨塘時將入蜀
征車喜暫憩須叱傾陽停紅紗易障眼
不如阜羅屏勉茲守元素座右東西銘

臨城驛別程玉樵

方濟

楊楨軒

麟州

兩孝廉兼寄

家書

昔在長安道君留我獨歸今年同火伴
中道又分飛南望殘春盡西征舊雨稀
書成懷腹去燈火踏柴扉

小車行

小車班班走千里隻輪半折挽不起嬰兒索食泣道傍
樹皮齧盡樹亦僵西山嵯峨白日欲暮不如且暫息伸
脚眠古墓野狗食人不知數急負嬰兒起強步

一解黃

埃鬱未開後車銜尾來車聲顛顛哭聲相間約略辨鄉
音遙呼某在斯爾何人得非親串

二解

停車前致詞日

暮不行將何爲相視各驚顧塵土換鬚眉君居邨北我
居城南當日踉蹌出門走如負豬豕覺而駭音耗苦不
得探

三解

鬢鬢者髮茸茸者絮蒙頭起坐少婦如老嫗

嬰兒在道傷呀呀索抱呼作孃婦心惻然抱實膝前昨
日棄兒不哺乳幸有餘漚波及女

四解

兒且勿哭君且

勿嗔君家骨肉五六七惟見君與嬰兒存其餘兄弟及

婦穉何不同患難各自東西奔

五解

嗚呼酷矣破巢覆

矣白骨撐野春草綠矣欲語慘慘淚斂斂矣

六解

請君

且勿悲爲我竟此詞去年歲在酉月在戌青天橫射蚩

尤旗我兄桓桓丈八牙盤殺賊如草賊怒攢刺亡其肝

婦女雙纏走不脫霜刃棱棱陷肌骨我與季弟匿兒不

敢泣急覓間道向草間偷活

七解

官軍嶽嶽來如山狐

兔晝匿蒿萊間隊長大詬此行不得一賊何以奏凱橫

刀還遠眺炊煙急令搜緝此間居民大半與賊相雜

八解腰弓手刃者何人百姓望見裝束喜是官軍官軍叱

卷之三十一

三

咤問爾等何為者弟云非賊我云良民死生呼吸間卒
 朕縛取數十輩絡實馬上不知何因將軍整以暇詰朝
 坐軍門問爾等何為者諸人相顧駭愕噤不敢訝將軍
 大怒令梟首揭竿斷其脅跨軍門令若雷有收葬者殺
 無赦九解婦聞向夫語爾我母自苦去年避兵匿溪山
 日掘草根充作茹賊平暫還鄉井竈出榛楚與為刀俎
 死猶戀溝壑生溝壑縱難生猶勝盜賊名十解君家既
 還鄉柰何復至此夫婦含淚言還鄉庸有豸今我皇
 帝陛下萬壽無疆命發金幣菽麥千倉萬箱嗟我垂髫
 小民沾此實惠庶幾復業而安康十一解吏胥滿邨走里

正健如狗晨握官符暮檢人口我家名在籍中索數十
錢不能與里正指曰否否乃祖父時有良田數畝

十二解

飢不可忍乞不可得挈孥而逃天荆地棘今日與君相
逢舊識君不見前邨瓦屋舉如計主人豪者當得一食

十三解·寂寂前邨落日閉門屈戌繡作青綠痕但見飛颺

膊脂鴟鳥人蹲吁嗟乎主人未及齋糧去不知餓死在

何處

十四解

我欲終此篇聲若寒蟬嘶伏念 天子宵旰

保我烝黎敬書所見獻將吏莫道高身大齷吐氣成虹
霓但有繪圖鄭俠何來露處王尼

十五解

莫宿韓莊

驟綱牛鐸日郎當衣帽黃塵暫卸裝近市人煙喧晚渡
隔湖颿影下斜陽漕渠牽挽居民雜官馬奔馳驛吏忙
一覺勞勞亭畔夢故車炊飯熟黃梁

曉登放鶴亭

雲籠山色澹於畫訪古獨登放鶴亭曉煙十里五里白
遠岫三點兩點青露滴尙疑聞警唳松高時見墮遺翎
昨宵夢逐仙人去山外閒雲爲我停

登黃樓有作寄同梅弟

我曹不及古人百中一骨肉聚散感則同彭城太守傲
一切一官一第如賓鴻逍遙堂前徹夜雨布被自暝生

春風獨愁腰組困鞅掌黃河撼地翻虬龍急操舂鍤護
三版鎮以形勢增穹窿太守作樓第作賦河伯孤立不
敢攻兀狀雄峙數百載黃土圻堊斜陽紅城頭入暮喧
鼓角壘簾彷彿聲和融我來登眺轉蕭瑟秋色浩浩連
邳豐鄉關南望不可卽褰裳愁涉百步洪天涯我亦愛
我弟焉能趨步前賢蹤家有破書儘可讀學書不成亦
可農會須早辨黍麥菽耦耕約在東臯東

月夜同姚岷田丈

元稹

王雲嶠

森堂

席蕙生兩學

博吳雲林秀才

本源

登城樓眺西南諸山

亂山接天青不了山大圍城城益小城樓頰與山腳平

羣峰趨向西南繞手招明月浮雲端滿城人住琉璃盤
登樓我輩興不淺聳肩忘卻清霜寒是時羣響方盡息
高吟聲徹層霄間須臾月黑氣茫昧城烏磔磔時飛還
得毋山靈舛睡忽驚醒聽詩潛出松杉關

九日朗齋夫子招同雲嶠蕙生登高聖泉山寺

四圍山色倚秋空遙指襟煙是梵宮邨落疎藏紅樹外
泉聲喧入白雲中折巾爭灑詞壇雨落帽低吹幕府風
千里登臨雙蠟屐故園黃菊又成叢

蘆屋篇

河溢睢州役夫數十萬塞之會大雨雪役有凍

死者爲作蘆屋篇弔之

蘆屋蘆屋薄於紙上雨旁風射竄嵒夜淡月黑瓦鏗寒
鞞痃稜稜凍欲死睢陽西望皆荒原黃河齧盡梁王園
氣吞汴泗失故道雞犬避舍魚龍喧怒雷砰訇撼地軸
靈樁倏忽窮星源桑田穆穆長荒蕪草廬兀兀存坵垣
河隄謁者惻然久力引殘黎徙高阜葦材料理檢周官
民粟商量詔孟叟未妨甲楯暫棲身且幸粥餼猶餬口
誰將巨手作保障瓠宮無恙歌宣房獻策乍聞收賈魯
拜官旋說起張印抽點丁夫火粟速裁糧鈔幣水衡忙
泥車輓轆徵淮海土簣隆隆負楚湘

楚人充工役者最
矯健有力呼曰湖

廣批

百錢買得十枚餅千里持爲三日糧
攀菱沈玉功

過半石碓丁丁響昏旦但得秋瀾告
太平便趁冬晴返
鄉閉蘆屋蘆屋聊容身鱗如櫛如列
斷岸捫腹紆徐入
竇蛇藏頭瑟縮投巢鶴呵開泥凍
條沾脣披上絮衣不
拚骨天低野曠風號咷猶疑河伯翻
洪濤玉樓寒粟聳
肌骨雪花雜沓飛鵝毛紘于跼跼
凍雀墮鴟吻苦苦寒
蟲號蘇武窖中咽蘆節焦先宅畔
凋蓬蒿吁嗟乎澶淵
泛溢終須築非關游獵謠黃竹豈知
歷劫付沙蟲未許
乞哀效麋鹿詩人所願不可期聊作
長歌以當哭誰歟
寘身百尺樓何不愧賜萬里裘

同朗齋夫子舒晴南都閫 大鵬 劉竹一山人 自青

遊黃桑峪欲登洗鉢池閻王鼻不果暮宿瑞雲寺

溼雲擁晴山亂峯圍如盎幽局闕轉淡天地亦異想蹊
路無直弦十步九迴枉山靈手相招拱揖隔尋丈自辰
俄及午翻從雲際仰循麓互盤旋問途得平曠豈知入
溪阻四顧轉森爽細礪鳴石砭雜花綴林莽引勝不自
疲譚笑攀援上厓危樹作闌徑滑藤爲杖石磴懸尺餘
舉步膝逾顙盤跚怯先登引睇作遙賞洗鉢流荒池雨
餘飛瀑長娟娟玉女鬟羅羅仙人掌咄哉聳孤巒森羅
列萬象奇石臥猙獰爪牙琢夔魍仰視惜且驚心馳益

情恍忽聞夕陽鐘歸禽轉圓吭寺僧肅客入搨蔬烹粟
椽樓閣晚山中開軒愜幽敞名山足臥遊新月侵簾幌
夢與采樵人躡雲自來往

黃桑峪相連者爲龍駒背眾峰如屏中闕一徑踰
數嶺乃至其頂上有果老洞相傳張果學道於此
彭城之山皆西趨勢如怒馬奔康衢巒坡注澗不一狀
倔強獨有初生駒一峯昂頭出雲靄羣峯偃僂齊下拜
譬若一顧空其羣化作神龍遊天外我來躡屐踏蘿磴
九曲穿雲萬松徑身騎龍脊攫龍鱗絕叫懸厓眾山應
但覺耳後天風生空際盤旋不可定偶尋磐石且卽安

雙泉細迸珍珠盤陰沈古洞蛻蝙蝠至今徒侶皆黃冠
導我山腰及山背磊石羅羅如馬齒惜無秦皇力士鞭
叱咤昂昂走千里腳難濟勝神不王蹙躡歸來坐惆悵
下山覓得蹇驢行猶作據鞍顧盼狀

天門山雙峯矗天壁立如門晨觀日出遂循徑而
下谿流清泚林木奇古林間覓火埽葉作炊飯訖
而去

昨宵夢拍洪厓肩雙鸞脩尾香絲鞭青天盪盪鍾乳滑
白榆倒挂如垂蓮曉來自製叩竹杖直踏天門自誅蕩
半山雲氣萬古炊釜鬻但覺衝飈飛瀑阻人以不可上

青泥盤盤開一綫半壁芙蓉撥雲見三十三天最上層
非離此一握之多卽去此尺五之半清都上府凌晨寒
黃人手捧雞黃團銀海一丸金支四攢星幢霞帔瑤宮
玉壇英元閃爍不能偪而視頰瞰下界惟見紫翠萬點
橫斑爛我聞日觀峯天雞踞旦諸天紅又聞不夜城海
天旭日浮三夏何如天門奮然開戶牖旋轉乾樞繫坤
紐回峯蔽翳注門隙日中忽忽見星斗山中之樹何所
有惟有瘦松病柏支離輪囷不榮而朽山中之石何
所有惟有乖龍暗虎猙獍攫噬愈奇而愈醜幽泉細股
穿雲根得毋洗頭玉女盆循泉曲折指下界雙峯天際

橫嶼响裏糧滿足悸心悅魂午炊乞火尋山邨山中落
葉無冬春自朝至晷迷離謫蕩不可以悉算是耶非耶
天姥之遊作夢幻天台之遊不轉盼樵夫咄咄呼余作
仙人不然何以飽喫胡麻飯

霧豬泉在霧豬山下淵匯數畝深不可測東坡嘗
祈雪於此卽用東坡和舒堯文韻

豬龍膨脹頭尾腹謂之爲蛇又有足陰蜺黑蜺忽遁形
鞭碎泥龍聞夜哭太守祈雪龍有靈元霧迷漫吐坤軸
隔岸躍出金魚神田公嚇嚇種麥菽龍宮咫尺不敢窺
珊瑚樹紅水精綠出雲見怪功在民秩祀擬配江河濱

我來訪古尋神泉，春波寒裂清冷淵。玻璃一頃不可唾，
照人直逼秋毫顛。城頭汴泗交流急，血染門環老嫗泣。
神龍夜徙天南池，手擲鄧林追不及。空餘潭水圍山陬，
獷設無靈螺蚌蟄。分流繞出松篁間，濯纓且脫青藤笠。
桔槔野叟樂不疲，堰頭白米翻銀匙。泉西有白米堰

遊山雜詩五首

三仙臺

昔人入山，聞棊聲，下下蹟之，見二人坐石上對弈，一人旁觀，近卽之，遂不復見。

南山木強人，不如橋中叟。桄榔勝理堅，樵柯乃速朽。石
齒山花香，尋聲隔松牖。似聞新婦言，人間無敵手。

書聲洞

在聖泉山谷中，常有誦讀聲，若二人答和者。

玉券出羽陵神仙無祕錄乞取靈威書占盡嫵媚福琅
琅誦碧虛四山翠響伏可惜武陵人未把秦書讀

鐘甃溝

元末民家治田見二巨鐘紐斷至數段
既而復聯俄吼聲如雷是行數里過卽

成溝入黃河噴水高丈餘有
二女僧過咒之遂留其一

蒲牢本龍種筍簾作龍鱗春雷勞雉卵斷紐蟠踰困祥
金躍莫邪方鐵諧蕤賓柰何泗淵鼎千載猶沈淪

畫巖

一名水墨巖在嶂山
石盆澗上石質如畫

常見畫中石不聞石中畫嶂山盆澗旁屏風一燈挂苔
老筆皴淡樹僵墨色壞石兒卽畫師再下米顛拜

聖泉

泉僅一勺而不
枯烹樛絕佳

在山泉水清一泓不自滿
紆流佛座旁功德雨花散
水碓春齋廚瓶笙爇茗瓊
急剖調水符付與山僧管

遊山之約雲嶠蕙生以公赴郡未及偕行既各以詩來問狀賦此代答兼訂後期

黃桑輿而秀天門峻且雄
相視各爭長嶼岫攢西東
中闢龍駒觜天馬掀長空
窳窳懸一徑又若蟠蛇龍
其餘諸巖嶂睥睨如附庸
有樹皆附石無雲不生峯
岡巒互脈絡大小旋相宮
山顛脫雲帽遐矚髡且童
漸近獻百態了髻雙鬢濃
回眸向背四面青芙蓉
諸山半無名耶壑蓋雷同
不知造化手結構何玲瓏
詩亦不能狀畫

亦不能工笑君宦遊地兀坐成樊籠況復敦促去手版
方趨公不如謝客兒鑿險開鴻濛山靈有宿諾屐印尋
前蹤急餐苜蓿飯暫時從赤松

吾鄉寓居彭城者張丈肅堂山長

欣告

姚丈岷田

秀才汪莪亭學博

顯第

金芝生同年及余凡五人

數月間莪亭之桐城岷田之兗州芝生旋里肅堂
亦南歸有日矣聚散之感不勝悵悵繫之以詩

揚子作方言秦越各異響啁啾效他人籠禽羞轉吭有
客操吳音聞聲輒技痒何期不速來相視各鼓掌譬如
天際星參商齊炫晃壺觴迭主賓簡札走廡養莫笑客

無家翻疑碑有黨田園索居時此樂尙難想不信千里
餘同來話塵鞅升沈固有時聚散亦何强又如秋江鴻
早至卒先往汪君耽冷曹席未暝函丈敦促移皖江火
急抽颿上金子不好遊比來常怏怏觸暑理南轅就途
甘迂枉健者姚先生七十不須杖濟濟魯諸生束幣多
儀享况聞張夫子卅載雪山長門下皆青雲退閒盟息
壤榮衰雖兩途進退或殊象吁嗟南北衢飛塵鬱蒼莽
憐我同憐藁舉足不成兩客侶易參差鄉心逾譎蕩河
聲吼汴渠雲氣蔽芒碭獨上黃樓巔茫茫川陸廣

蕭縣志書將成寄縱荔維刺史

司燁

張墨龔司馬

崇鼎

周似堂進士

榮組

侯鍊亭孝廉

金楷

縱息齋

其鵬

徐宜仲

開塘

兩明經卽呈朗齋夫子四首

羽陵蠹粉碎叢殘百卅年來劫火寒

舊志迄今閱百三
十年鏤版已燬

行篋先愁徵事少覆瓿

平

眞怕著書難苦將刀筆爭羣

更豈有文章替史官笑我下帷塗抹者旁人謬作董生

看

地控扶陽接杆秋此邦原是古諸侯一時冠冕同鄒魯
兩戒河山割項劉聚米豈如親閱歷遺珠須要共搜求
至今充棟羣書在祇有康家第一流

官紙叢堆一尺餘傳呼十吏作鈔胥雙雞日費先生饌

桂畱山房詩集

卷四

三

三券時尋博士驢風雅又傳新令尹

謂傅松嶠明府

增刪應惜

舊唐書鄉風不用輜軒采煩卻羣公薄畚車

換杖親攜剡上藤瓣香燒罷有宗鑑下車不負從前約
造埵須看最上層彤史丁甯三寸管玉壺清冷一條冰
隨風埽葉人多少又糴桃花米五升

桂畱山房詩集卷四終